

درسعادته یکی پوسته خانه قارشوسنده
دائرة مخصوصه در

محل اواره :

مشارقه

دین، فلسفه، ادبیات، حقوق و علوم دین باحث هفته لق رساله در

مسکونه موافق آثار جدید مع المنوبه قبول اولنور
درج ایدیلیم آثار اعاده اولنور
اظهار :

مؤسسلری : ابوالعلا زین العابدین - ح. اشرف ادیب

تاریخ تأسیسی :
۱۱ نموز ۳۲۴

درسعادته نسخه سی ۵۰ باره در

قیریلده دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنور.

سنه لکی	القایلی	درسعادته
۳۵	۶۵	ولایاتده
۵۰	۹۰	ممالک اجنبیه ده
۵۵	۱۰۰	غروشدر.

عدد : ۸

۳۲۶ رمضان ۱۹ پنجشنبه تشرین اول ۲ ۳۲۴

برنجی سنه

بو طاقم سفهای امتك بهضیلرینه برخیلی زمان دبدبه واحتشام وفوق العاده آلايش وانتظام اوزره عمر سوره كدن صوكرا وخامت انجام باش كوسترر ، صوری ومعنوی فلاكت وعقوبتار یاغفه باشلار سده بونلرك كرفنار اولدقلری جزای الیم هیئت عمومیهك تدنی واضمحلالانی موجب اولان سیأت وتجاوزات واقعهلرینك عشر معشاری عد اولنه ماز .

كذلك برچوق اصحاب حسناتك ، عموم ناس حقنده عدل واحسان ايله معامله بی التزام ایدن بر طاقم ارباب حیتك بوتون عمرلری مضایقه شدیدیه ایچنده محو اولور ، حقوقلری اضاعه وانور ، لائق ومستحق اولدقلری مكافاتدن محروم براقیلیرلر . یالكز راحت وجدان وادب وعرفانلریله تنعم ایدرك متسلی اوله بیلیلرکه بوده بر ثواب روحانی ، بر مكافات معنویه دیمكدر . فقط بوقدر جق مكافات آنلرك مساعی مددو حله لرینه جزای کافی اوله ماز .

الحاصل دنیاده مجازات ومكافات تامه اجرا اولنمادینی ، هر كسك عملنه موافق جزا ايله جزالنمادینی وارسته اطناب مقلدر .

بناءً على ذلك عقلاً وحكمةً عالم آخرده بر « يوم الدين » لزوم قطعی واردركه آنده « فن يعمل مثقال ذرة خيراً يره ومن يعمل مثقال ذرة شراً يره » فخرای معدلت احتواسنجه افراد عاملینك هر بری خیر وشره دائر نه قدر ناچیز اولورسه اولسون بوتون اعمالك نتایجینی سكوره جك ، ای وفنا هیچ بر سسی ونیت ضایع قلمیه جق در .

نکته کلامیه

بو اوصاف جلیله بی اسم جلاله صفت قیله رق واجب الوجود حضرت لرینه اثبات ایتك ذات الوهیتدن بشقه علی الحقیقه جدو ثنایه اهل ومستحق بولندیفنه دلالت ایچوندیر . زیرا علته صالح اولان وصفه تعلیق حکم ، وصفك حکمه هلیتنی مشعردر . بناءً علیه نظم جلیلدن استحقاق جدك علت موجه سسی جناب باری تعالی نك بالجمله كائناتده موجب ومرتبی و نعم والطف ظاهره وباطنهك منعم حقیقیسی وروز جزانك ، عالم آخرتك مرجع یكانه سسی اولمسندن عبارت اولدیفنی مستفاد اولور . بو اوصاف جلیلهك هیچ برنده مولای متعال حضرت لرینه مشاركت ایدر بر فرد یوقدر كه استحقاق جدو ثناده بر کیسهك اشتراکی تصور اولونه بیلسون .

بلاغت

اوصاف اربعهك ترتیبنده ده مناسبت تامه واردر . چونكه عبد حامد ایفای جد و ثنا مقامنده جناب بارینك اولار ربوبیت وخالقیتنی ، ثانیاً حال واستقبالجه معلوم اولان منعمیتی ، ثالثاً روز جزاده کی حاکمیتنی ملاحظه ایله بحر شهوده مستغرق اولوب جمیع ماسودان قطع علاقه ایتدجكه (ایاك نعبد و ایاك نستعین) نظم جلیلنك مفادی اولان حصر عبادت واستعانیه اهل اوله ماز ، آیت مذکوریه بی حین تلاوته مصلی بوملاحظه ده بولنمایدركه غفلتدن آزاده اولسون . ترتیب مذکورك ارباب ارشاد طرفندن وقوع بوله جق توحید وعادته دعوت مقامنده مناسبتی اشكاردر . زیرا درگاه سبحانییه

حصر توجه وعبادتك باعث اعظمی حائز الوهیت اولمسیدر . فقط وصف الوهیت كه هو حقه بزره معلوم اوله مدیفنی جهتله كافه عوالم حقنده مشهود اولان آثار بی نهایت سیله مجزوم بولندان (ربوبیت) صفت جلیله سنه نقل كلام اولنش بعده بوملاحظه ایله متأثر اولیان اشخاصك باری كندیلرینه واصل وموعد اولان نعم سبحانییه قارشو بورجلی اولدقلری تشكراتك ایفاسی مقصدیله عبادات وطاعاته اهتمام ایتلری ، وبوظیفه دن ده ذهول ایدنلرك مجازات اخرویه بی كوز اوكنه آلهرق ، سطوت قاهره سبحانییه دن قورقه رق عرض انقیاده مجبور اولملری لازم كله جکی اخطار بیورلمشدر . ایشته بو اسلوبه توفیقاً بومرتبه موجز بر كلام ایله افاده حقیقه فوقنده بر بلاغت تصور اولنه ماز .

إِيَّاكَ نَعْبُدُ وَإِيَّاكَ نَسْتَعِينُ :

اشبوصفات عظيمة آلهیه ايله تفرد وسبحانیهك بناءً جمیع ماسودان تمیز وجلال وعظمتله توحید ایلین معبود ذوالجلال ! بزر انجق سكا عبادت ایدرز وكافه امور واحواله درگاه سبحانییهك مراجعتله سسندن عنایت بكلرز .

نکته بیانیه

صدر كلامده محامد واثیه عالیهك كافه سنه حقیق ولایق اولان ذات واجب الوجود حضرتلری ذكر وبعد اوصاف قدسیه سبحانییه سیله توصیف ایدلمش اولسی اوزرینه ذات اجل معبود حامد نظرنده تمیز وتعیین ایتمش وبو سایه ده حامدك مقام قرب وشهوده وصولی تحقق ایلش اولسنه دلالت ایچون بوراده اسلوب غیبتدن اسلوب خطابه تحویل كلام بیورلمشدر .

مناسبتی اسماعیل مقلی

نحاسب قرآنیه

سورة بقره آیت ۲۸۳

« يا ايها الذين آمنوا اذا تداینتم بدین الی اجل مسماً فكتبوه ... الآية » [سورة بقره نك شو موضعده ذكر اولنان احكام شرعیه دن بری ده آیت مداینه در . جناب نسق ساز امور عزشانه بو سوره ده اولا عبادینه فی سبیل الله اتفاق وترك ریا ایله امر بیوردقدن صكره « آیت مداینه » اطلاق اولنان بو آیتده انلری مال حلالك حفظی وفساد وتلفدن صیاتی خصوصنه دعوت ایدیور . وچونكه اموال سبب مصالح معاش ومعاد اولوب انسان انكله اتفاق فی سبیل الله وربا وسائر كبی غضب الهی به باعث احوال دن اعراضه وتقوی الله ملازمت ومواظبته قدرتیاب اوله جفندن علی الاكثر الفاظ قرآنده جاری اولان اختصارك خلافنه اولهرق بو آیتده محضا حفظ امواله احتیاطه تشویق وارشاد اولمق اوزره اكید امرلر وبلغ تعلیمات ایله ، بینلرنده جاری معاوضات اثناسنده دینی مشتمل وقوع بولان معاملهك حالی بیانه شروع ایدرك

بیوربورکه [ای ایمان ایدنلر بر دین ایله اجل مسمايه دك تداین ایتدیككز وقت [یعنی طرفیندن بری بر عینی مدت معلومه ایله او بر طرفه ویره سی به ویره رك ویاخود او بر طرفدن بر عینی مدت معلومه ایله ویره سی به آلهرق واقع اولان معاوضات ائساننده شو صورتله دینی متضمن بر معامله ده بولندیككز زمان اودینی یازك [وقت اداسیله برابر اودینی قید و تحریر ایدك تداین و تعبیر دیگر ایله مداینه بر وجه محرر دینی متضمن معامله معناسنه اولدیغندن دینك دینه مقابله سنی اقتضا ایتمز و بناء علیه تداین ویاخود مداینه هر ایکی طرفدن دینك حصولی دیمك اولوب بوده دینی دینه بیی افاده ایتككه بالاتفاق باطلدر دینه سؤال وارد اولماز . بیاعات درت وجه اوزره اولور : بری عینی عینه بیع و مبادله ایتكدرکه بو صورت شبهه سز مداینه دكدر . ایکنجیسی دینی دینه بیع ایتكدر بالاتفاق باطل اولدیغندن آیت کریمه نك تحتند داخل دكدر . کیری به ایکی قسم قالورکه بریسی عینی دینه بیع ایتك یعنی مالی ثمن مؤجل مقابلنده صاعقدر و دیگر دینی عینه بیع ایتك یعنی پیشین پاره ایله ویره سیه مال المقدركه سلم در . اکثر مفسرینك قوی اوزره بوصوك ایکی قسمك هر ایکیسی بو آیت کریمه نك تحتند داخلدر - شیخزاده . ابن عباس رضی الله عنهما حضرتلرندن : بو آیت کریمه ده مداینه ایله سلم مراد اولدینی و جناب حق ربانی حرام قلدیسه سلمی مباح قلدی دیدیکی روایت اولمشدر - قاضی بیضاوی و ابوالسعود . تداین دینه دلالت ایلدیکی حالده « دین » لفظنك آیریمجه ذکر اولنسی اوج فائده به مبنی در : بریسی تداین دینی مشتمل معامله معناسنه کلدیکی کبی مجازات معناسنده کلدیکندن معنای مراد تعین ایدیدیه و هم معنای مجازاته ذاهب اولماسیدر . ایکنجیسی دینك حال و مؤجل ایکی نوعی اولوب تحریر دین مؤجلك باعث اولدینی اكلالشی در . اوچنجیسی « فاکتبه » قول کریمده کی ضمیر منصوب متصلک مرجعی تعیین ایتسی در - قاضی و شیخزاده ، دینك اجلی : انقضای مدت ایچون تعیین اولنان وقتدر - فخرالدین . مسمی : معین دیمکدر . شو حالده اجل مسمايه قدر دیمك وقت معینه قدر دیمکدر . و تعیین ایله مراد کون و یاماه و یاسنه کبی علی افاده و جهالتی رفع ایدن شیلر ایله تعیین ایتكدر - فخرالدین و قاضی و ابوالسعود . جناب حق مداینه ده ایکی شی امر ایدیور : بریسی تحریر درکه بونی « فاکتبه » قول کریمی ایله امر ایدیور . ایکنجیسی اشهاد درکه بونی « فاستشهدوا شهیدین من رجالکم » قول شریفی ایله امر ایدیور . دینك تحریری ایله اشتشهادك فائده سی مالک طرفینجه حفظ و صیانت ایدلسنی در ، چونکه دائن مطلوبنك و وقت اداسنك کتابت و اشهاد ایله توثیق اولندیغنی بیلنجه حقندن زیاده ایسته میه جکی و دینك وعده سی حلول ایتمه دن مطالبه یه قیام ایده میه جکی کبی مدیون دخی بوراسنی در پیش مطالعه ایدرك تماماً و یا قسمی دینی انکار ایده مامکله برابر وقت حلولنده تأدیة دین ایده بیلک ایچون ده و عده منقضی اولمه دن مال قازانغنه تشبث و مبادرت ایدر ، ایسته ک کتابت و اشهادده بوفائدر بولندیغندن جناب حق کتابت و اشهاد ایله امر ایتدی فخرالدین . جههور فقهاء مجتهدین بو مقامده امرک ندبه محمول اولدیغنه

ذاهب اولدیلر و بز جمیع دیار اسلامده جههور مسلمینی تحریر و اشهاد سز ائمان مؤجله ایله مال صاندقلرینی کوروپورز ، بو حال تحریر و اشهادك واجب اولدینی اوزرینه اجاعدر دیدیلر - شیخزاده [و [بونی] بینکزه عدل ایله [متصف] برکاتب یازسون [دین سندینی ، طرفیندن برینه میل ایتیه رك و زیاده و نقصان اولیه رق طوغریجه و نزاعه و ابطال حقه باعث اولیه دحق وجه ایله یازه جفنه اره کزده امنیت اولنور بر کاتب تحریر ایتسون . بو قول کریم تحریر سند ایچون شروط تحریر آشنا بر فقیه متدینی انتخاب ایتلرینی طرفینه امردر و بوده یازیلان سند لدی الشرع معول و معتبر بر وثیقه اولسون حکمتنه مبنی در - فخرالدین و قاضی و ابوالسعود [و هیچ برکاتب [دین سندینی] اللهك اكا تعلیم ایتدیکی کبی یازمقدن ابا ایتیموب [اوصورتله] یازسون] کتابدن هیچ بری جناب حقل اكا تعلیم ایتدیکی تحریر و ثائق اصولنده دین سندینی یازمقدن امتناع ایتسون ، کندینه طرف الهیدن تعلیم اولندیغنی وجهه ایله تحریر ایتسون . یاخود بو قول کریم « و احسن کما احسن الله الیک » نظم جلیله مائل اولهرق مال منی : هیچ بر کاتب ، نصل که جناب حق انلره اصول تحریری و طریق احیاء حقوقی تعلیم ایله کندیلرینی نفعلندیرمش ایسه انلرده ناسی تحریر و کتابت لریله نفعلندیرمکدن ابا ایتیموب بلکه بو نعمته تشکراً مسلم قرن دلاشرینك حاجت لرینی کورسونلر دیمکدر - فخرالدین و قاضی و ابوالسعود [و اوزرنده حق بولنان املال ایتسون] من علیه الحق دینی ، مقداری و جنسی و وصفی و مدتی و سائر جهتلری ایله کاتبه املا و تقریر ایتسون . املال ایله املاء هر ایکیسی لغت فصیحیه در و ایکیسی ده بر معنایه در که بر کیسه سویله یوب دیگر یازمقدر ائمه نخواندن فراء شویله دیدی : « املات علیه الکتاب » دینور که اهل حجاز ایله بنی اسد لغتی در ، « املیت علیه الکتاب » دخی دینور که بوده لغت تیمم و قیس در . قرآن کریم هر ایکی لغت اوزره نازل اولمشدر . بو قول کریم اولکی لغت اوزره نازل اولدینی کبی « فهی تملى علیه بکرة واصیلا » نظم شریفی ده ایکنجی لغت اوزره شرف نزول ایتمشدر - فخرالدین [و ربی اولان اللهیدن اتقا ایتسون و اندن برشی نقصان ایتسون] املا ایدن مدیون حضرت پروردکار ذوالجلال لدین قورقسون و اوزرنده اولان حقدن برشی نقصان ایتیموب عامیله سویله سون [. من علیه الحق اگر سفیه یاخود ضعیف ایسه یاخود املایه مقتدر دکسه ایتک و لیسی عدل ایله املا ایتسون] اوزرنده حق اولان کیسه مبذر ، ناقص . العقل اولمق و یاخود صغر و عتهدن ناشی ضعیف العقل بولنمق و یاخود دیلسز اولمق و یا لسان بیلامک و سائر کبی احوال و عوارضه مبنی بالذات املایه مقتدر دکسه او کیسه نك و صیسی و یا وکیلی و یا مترجمی کبی مقامنه قائم اولان ولی امری انک یربنه عدل ایله یعنی نقصان و زیاده ایتیه رك املا و تقریر ایتسون - قاضی و ابوالسعود [و رجالکزدن ایکی شاهد استشهاد ایدك] بینکزه جریان ایدن مداینه دایر شهادتی تحمل ایتلری ایچون ارلریکزدن ایکی شاهد طلب ایدك . شرائط شهادت کتب فقهیه ده مذکوردر [. شاهدلر] یعنی شاهد اوله دحق کیسه لر ایکی ار بولندیغندن و یا باشقه برسیدن طولای [ایکی ار اولمازسه او حالده

خشنود و راضی اولدیغکز شهوددن بر ار ایله ایکی خاتون [اشهاد اولسون] که بویکی خاتونن بری [شهادتی] اونودرسه او بری انک خاطرینه کتورر [بو، بزه کوره حدود و قصاصدن ماعدایرلرده و امام شافعی به کوره یالکزاموالدهدر. هر شاهدک کندنن خشنود و راضی اولنان کیسهلردن اوله جنی، یعنی شاهد کیم اولورسه اولسون انسان انجق خشنود اولدینی کیسه بی شاهد طوته جنی شبهه سزایکن بو. صفتک بر ار ایله ایکی خاتونن عبارت بولنان شهوده تخصیص بیورلمسی انسانک بوصفت ایله اتصافی قلیل اولدینی ایچوندن — ابوالسعود].

و شاهدلر [یعنی شاهد اوله جق کیسهلر اداء شهادت و یا تحمل شهادت ایچون صاحب حق طرفندن] چاغریلقلری زمان [اجابتدن] امتناع ایتمسونلر. و دینی کوچک و یاییوک اولسون وقت حلونه دک یازمقدن اوصانک [دین آز و یا چوق اولسون و یا خود سند مختصر و یا مفصل اولسون هر حالده انی مدیونک اقرار ایلدیکی وقتک حلونه دک یازمغه کثرت مداینه کزدن طولانی اوشمه یک] بو [یعنی سزه امر اولنان تحریر دین خصوصی ای مؤمنین] نزد الهیده [حکم الهیده] یک عدالتدر [رضای الهی بی تحصیلک مؤدبدر، چونکه حقیق جمع قیود و تفصیلی ایله یازلمسی عاقبتی صدقه زیاده سیله داعی و دینی بیلامکدن و دینده کذب ایلمکدن و بونلره تفرع ایدن مفاسدنن یک بعید اولور] و شهادتی یک مقومدر [شهادتی یک ثابت قیلاز و اقامه شهادته یک یاردیمی اولور] و اشتباه ایتمکزه یک قریبدر [دینک جنسندن، مقدارنده، وقت حلونده، شهودنده، سائر جهاتنده شبهه کز زائل اولنه یک قریبدر]. مکرکه [مداینه کز و یا تجارتکز] بیکزده دوران ایتدیرر اولدیغکز تجارت حاضر اولسون، او حالده انی یازمقده سزک اوزریکزه کناه یوقدر [بر مدت معینه قدر دینی متضمن بولنان معاملاتکزه بروجه مشروع سند تحریر ایدک، فقط مداینه کز و یا تجارتکز بدلارینی بدآبید تعاطی ایتک صورتیه اره کزده دوندردیککز بر تجارت حاضر اولدینی حالده انی تحریر ایتمکده سزکچون بر بآس یوقدر، چونکه بدلاری حاضر بولنان بوبله بر تجارت منازعه ونسیاندن بعیددر — قاضی ابوالسعود. بوقسیر «الان تکنون تجارت حاضرة» قول کرینده [تجارة] لفظنک، [تکنون] نک خبری اولق اوزره نصب ایله قرائنه مبنی در و اثناء تفسیرده کوسترلدیکی وجه ایله بوقرائنه کوره آیت کریمه [مکرکه مداینه کز و یا تجارتکز تجارت حاضر اولسون] تقدیرندهدر. بوقدیرک شق اولنه بمضیلری طرفندن: مداینه تجارت حاضر اولمازده اعتراض اولمش سده وارد دکلدر، چونکه مداینه برقچ ساعت کی قریب بر مدت قدر اولورسه اکا تجارت حاضر اطلاق صحیح اولور. تجارت: تمتع ایتک مقصدیه مال الوب صاتفه دینور]. و تبایع ابتدیککز زمان اشهاد ایدک [تجارت حاضر صورتیه اولان مبیاعتکزه و یا خود علی الاطلاق مبیاعه لریکزه شاهد طوتک، زیرا اشهاد ایدیلورسه یک حزم و بصیرت اوزره حرکت ایداش اولور. بو آیت کریمه ده وارد اولان اوامر یوقاریده سبق ایتدیکی اوزره جمهوره کوره ندب و استحباب ایچوندن و مراد طریق احتیاطه و صیانت امواله ارشاددر. بمضیلری دیدیلرکه اوامر مذکوره وجوب ایچوندن: بوجوبه

قائل اولانلر اختلاف ایدرک کیسی ذکر اولان امرلر حکمی باقی اولدیغنه و کیسی نسخنه ذاهب اولدیلر — قاضی ابوالسعود]. نه کاتب ونه شاهد اضرار ایتمسون [یا خود نه کاتب ونه شاهد اضرار اولمسون دیکدر. «ولایضار کاتب ولا شهید» قول کرینده [یضار] کلمه سی ایکی وجهه محتملدر: بری کلمه مذکوره نک اصلی، قبل الادغام برنجی [راء] حرفی مکسور اوله رق معلوم صیغه سی اوزره [یضار] و دیگر وجه دخی راء مذکوره نک فتحیه مجهول صیغه سی اوزره [یضار] اولمقدر. اولکی وجهه کوره آیت کریمه ده واقع [کاتب] ایله [شهید] کلمه لری [ولایضار] نک فاعلی اوله رق آیتک مأل منینی: کتابت و شهادت خصوصنده اجابتی ترک ایتک و کتابت و شهادتی تغیر و تحریف ایتک صورتلردن بریله نه کاتب ونه شاهد صاحب حق و یامن علیه الحق اضرار ایتمسون دیک اولور. ایکنجی وجهه نظراً ذکر اولنان ایکی کلمه [ولایضار] نک نائب فاعلی اولمقله آیتک مؤدای شریفی: کاتب و شاهد کتابت و شهادته دعوت اولندقلری زمان مهم ایشلری اوله رق بیان معذرت ایدرلرسه جناب حق دعوت اجابتی سزه امر ایتدی دیه الحاح اولوبده ایشلردن کوجلردن آلیقولنق و یا خود کاتب و شاهده انلر ایچون معین اولان حدک خارجنه چیملری تکلیف اولنق و یا خود کاتبه حق اجرتی ویرلماک کی بر صورتله متضرر ورنجیده ایدلسونلر دیک اولور. [یضار] کلمه سنک بویکی وجهه محتمل بولندیقی کلمه مذکور هی عمر الفاروق رضی الله عنه حضرتلرینک فک ادغام واولکی [راء] حرفی کسرایله وابن عباس رضی الله عنهما حضرتلرینک دخی اظهار و فتح ایله قرائت ایللری دلالت ایدر — فخرالدین وقاضی ابوالسعود]. اگر سز [هی اولدیغکز اضراری] ایشلر سزه کز بو [فعل منهی] سزه [ملابس] فسق و معصیتدر [سزه لاحق و طاری اولمش خروج عن طاعة اللهدر — قاضی ابوالسعود]. اللهم ایتق ایتدیک [حضرت ذوالجلالک اوامر ونواهیسنه مخالفتدن و بوجهلدن اوله رق هی ایلدیک شواضر اردن خوف و حذر اوزره اولک — ابوالسعود]. الله سزه تعلیم ایدیلور [جناب ذوالجلال مصالح و منافعکزی متضمن بولنان احکامی سزه اوکره دیور — ابوالسعود]. الله هر شیئی بیلور [عبادینک جمع مصالحنه واقفدر، ذات علیه سنه هیچ برشی خفی دکلدر — خازن. بواج جله ده لفظه جلالک تکرار بیورلمسی قبوله لقاء مهابت ایله برابر هر برینک علی حده بر معناده استقلالی اولدیغنه تنبیه ایچوندن، چونکه برنجی جله تقوایه ترغیب و ایکنجیسی وعدانعام و اوچنجیسی شان الوهیتی تقصیم در — قاضی ابوالسعود].

برکت زاده اسماعیل مهفی

صفحات حیاتدن

سلمی

«همشیره زاده مدر. درت یاشنده اولدی.»

بتون کون ایشته بوغوشدم، برازده دیکلنسم..

یارینده عینی مزاحم ایچنده اوغراشه جق